

Guangjisi Minzcuz Bau

ganhhau: CN45-0036 B.2017 Nd.9 Ng.6 liggaeuq dingyoux nienz ndwencaet cibroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3290期

Guengjsae Gyavaiq Yamqdin Laebfap Hong Vahsaw Minzcuz

广西加快民族语文工作立法进程

Ndwen 8 ngoenz 29, Swcigih cajsiz Cinz Vuj cujiz Aenhoih Cangzvu Daih 103 Baez Swcigih Daih Cibngeih Gaiq Yinzminz Cwngfuj, saemjlnh le 《Diuzlaeh (Caujan) Hong Saw Vah Minzcuz Vunznoix Guengjsae Bouxcuengh Swcigih》, caemhcaiq gietdingh daezcingj Aenhoih Cangzvu Swcigih Yinzda saemjlnh.

Vih gyaak hong saw vah minzcuz vunznoix gih raeuz, baujang gij gienzleih gak minzcuz vunznoix yungh caeuq hwngfat saw vah minzcuz bonjfaenh, gohyoz baujhoh caeuq hwngfat saw vah minzcuz vunznoix, doidoengh vwnzva gak minzcuz doengzaez hoenghvuengh, Swcigih Yinzminz Cwngfuj bi 2017 hong laebfap dajveh au 《Diuzlaeh Hong Saw Vah Minzcuz Vunznoix Guengjsae Bouxcuengh Swcigih》 liedbaenz gij fapgi hanghmoeg deihfuengsingq bineix guhsat haenx. ciuq hong laebfap dajveh iugouz,

Swcigih Minzyijvej ginggvaq haeujlaeg diuyenz, yiendaez hwnj-gauj le 《Diuzlaeh(Caujan Gaujsoengqsaemj)》; Swcigih Fazciban ciuq iugouz guh laebfap saemjcaz, cujiz Swcigih Minzyijvej haeujlaeg haiguh laebfap diuyenz, yieugq gihciz mizgyen bouhmonz caeuq laeb gih si yinzminz cwngfuj cam au yigen, ciuhai aenhoih lauxhangz lwnhcingq, cungfaen aeundaez mizgyen fuengmienh yigen le, doiq 《Diuzlaeh(Caujan Gaujsoengqsaemj)》 guh coihgaij laebndei, guhbaenz le 《Diuzlaeh(Caujan Gaujsaemjcaz)》, bauq Swcigih Yinzminz Cwngfuj saemjlnh.

Ciuq cam rox, dangguh gih raeuz bouh daih'it fapgi deihfuengsingq saw vah minzcuz, 《Diuzlaeh(Caujan)》 ciuq 《Fap Gagguenj Gizdieg Minzcuz Cunghvaz Yinzminz Gunghozgoz》 《Fap Saw Vah Guekgya Cunghvaz Yinzminz Gunghozgoz》 daengj, giethab

gij saedsaeh hong saw vah minzcuz vunznoix gih raeuz seizneix, ciuq cungjcwz, hagsib caeuq yungh, yenzgiu caeuq baujhoh, faplwd cwzyin, fucwz daengj haj aen fuengmienh daeuq gougya, daj doigvangq Sawcuengh Vahcuengh, hwnjguh gveihfanva biucinjvaq, gij iugouz son'gyauq song vah, cien-nieb caeuq gocwngz anlaeb, son-gyauq lauxsae, ganbu hag song vah, gveihfan doengzseiz yungh Sawgun caeuq Sawcuengh, saw vah minzcuz yungh youq gunghung fuzvu gihgou, ciuloeg gunghvuyenz, fanhoiz faenzsaw, gunnganq vunz-caiz, yenzgiu raiz faenzcieng, faplwd cwzyin daengj fuengmienh doiq hong saw vah minzcuz vunznoix gih raeuz guh laebfap, caj Aenhoih Cangzvu Swcigih Yinzda saemjlnh doenggvaq doeklaeng fatbouh hengzguh.

(Veiz Siugvanh Cangh haij-yingh)

Lungzswng:

Mbanjdung Angqhoh "Ciet Cienz Fwen"

龙胜:侗寨欢庆“传歌节”

Ndwen 9 ngoenz 2 dwg liggaeuq ndwencaet cibngeih, Mbanjdung Mbanjbaujcwng Lozgyangh Yangh Lungzswng Gak Cuz Swciyen banh "ciet cienz fwen" ngoenzciet conzdungj Duncuz bi gvaq mbat haenx. Binaengz liggaeuq ndwencaet cibngeih vunzlai Duncuz dangdieg cungj yungh yinx fwen, ciep fwen, cienz fwen guh cawjsienq, haiguh doxdax aenvenz, guh ceiz, baij "feihyiz" daengj baenzdauq hozdung, eiqsei dwg cienz gij cozdungj ndei beksingq Duncuz gaenx guh, swnzsienh, yiedcingz, guenjranc, muengh daengx bi fwn yinz rumz swnh, haeuxgwn fungsou. Ndaw doz dwg beixnuengx Duncuz cingq boq aenvenz.

(Vangz Yungjdanh/黄勇丹)



Ginhsiu Yungh Gij Hingzsik Denyingj Swnjcienz Vahyauz

金秀以电影的形式促瑶语传承

Ndwen 8 ngoenz 30, youq Aen Cungsim Hoizguh Denyingj Minzcuz Vunznoix Guengjsae Denyingj Cizdonz Ginhsiu Yauzcuz Swciyen bouxyienj cingq yungh Vahyauz hoizguh denyingj 《Yaengx Fwngz Hwnjdaeuq 2—Gyaep Hoenx Ahdohvanz》.

Iteig daeuq Yauzcuz miz vah bonjfaenh, hoeng mbouj miz faenzsaw, riengzdwk seizdaih bienq, vanzging bienq, vwnzva baihrog yingyangj, swnjcienz Vahyauz deng yingyangj gig hung, seizneix miz mbanj mbanj Yauzcuz gaenq mbouj

gangj Vahyauz, vunz rox gangj Vahyauz yied daeuq yied noix. Ginhsiu Yenveij, Yen Yinzminz Cwngfuj gig yawjnaek gij cingzgvang swnjcienz Vahyauz, vih swnjcienz caeuq baujhoh Vahyauz, iugouz gak bouhmonz au fatok cizwnngz bonjfaenh, cujiz Vahyauz haeuj hagdangz, hailaeb aenban son'gyauq Vahyauz, cujiz soucomz caizliuh Vahyauz, ingj denyingj Vahyauz, hoizguh denyingj Vahyauz daengj hengz lai diuz roen.

Ciuq cam rox, bi 2009 daengz seizneix Ginhsiu gaenq hoizguh

《Cied Lienh Vangzhoh》《Cung Ok Yamajsin》《Yaengx Fwngz Hwnjdaeuq》 daengj haj bouh benq, doenghgij benq hoizguh baenz Vahyauz neix binaengz youz denyingj gunghswh daengz Mbanjyauz cuengqingj 200 ciengzbaez doxhwnj, ndaejdaengz vunzlai Yauzcuz haenhndei, bineix youh hoizguh 《Yaengx Fwngz Hwnjdaeuq 2—Gyaep Hoenx Ahdohvanz》《Betcib Ngeih Boux Bouxak Liuzlauj-cangh》.

(Bangz Yaujvaz/庞晓华)

SIUSIK DINJ

简讯

● Ndwen 9 ngoenz 1, Mungz-sanh Yen Cugen, Gunghsangh, Cwngzgvangj Dadui daengj bouhmonz gapbaenz lienzhab hengzgap dadui, guh aen hozdung daezswng gyonjcomz cingjceih yienghsienq hawsingz. Ciuq cam rox, baez hozdung neix seizgan lienzdaemh daengz bi 2018 ndwen 2, coicaenh gak diuz loh, duenh loh doengrat miz bouhloh, vanzging caezcingj seuqsak, mizyauq dawz gij yienghsienq ndei hawsingz baij okdaeuq, daezswng gij cingzdoh vwnzmingz siminz.

(Gvanh Sinh Moz Hingh-vang)

● Ndwen 8 ngoenz 29 banhaet, Nazboh Yen haiguh yivu gyauyuz bingzyaenx hwngfat giekdaej sezsih hwnjguh caeuq aen gunghcwngz ceihleix mieng Dabhwzduhhoz Bwzswngj Yangh, Bwznanz Yangh song aen hanghmoeg hung neix, bued cienz daengz 5274.11 fanh maenz. Ciuq cam rox, bi 2017 aen yienh neix yivu gyauyuz hwngfat giekdaej sezsih hwnjguh hanghmoeg nangqdaengz 11 aen hagdangz 14 aen gunghcwngz, hwnjguh mienhcik gungh 14870 bingzfahgmij baedauq, bued cienz 2678 fanh maenz baedauq.

(Luz Ciyungz Liengz Sicanj)

● Geij bi neix daeuq, Lozcwngz Mulaujcuq Swciyen aen gihgou son lwngyez iq cawz guh son vwnzva gocwngz le, lij gvangqlangh yungzhab ndawbiengz gak loh swhyenz son'gyauq ndei dem, banh aenban mizyinx son raiz mauzbit, vehveh, ciengqgo, diuqfoux daengj, caenh-itbouh hawj lwngyez ndangcangq caeuq daezsang gij gvanhnen saemjgyaeu lwngyez, hawj lwngyez Mulaujcuq daj iq hainduj hag gak loh dinfwngz.

(Se Sunhwngz)

● Geij bi neix daeuq, Denzyangz Yen Bwzyuz Cin cungfaen fatok gijndei diegndoeng swhyenz lai, gaenxmaenx dazyinx vunzlai leihyungh diegndoeng swhyenz haenqrengz guh youq ndaw ndoeng ciengx gaeq, doenggvaq bangfuz ranz ciengx doihduz lai, daiqdoengh vunzlai seiqhenz, laebbaenz aen hozcozse ciennieb daengj fuengsik, guh hung guh ak canjniel youq ndaw ndoeng dajciengx, ndaej hawj gaeq dot gwn gorum, duznnon duzmoed daengj, youh ndaej hawj vunzlai baengh dajciengx laisou baenz miz.

(Ganh Yez Loz Hungzgenh)